



Broj: 11/01-14-21087-9/18
Sarajevo, 17.7.2018. godina

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 70. Zakona o organizaciji organa uprave u Federaciji Bosne i Hercegovine («Službene novine Federacije Bosne i Hercegovine», broj: 35/05), na preporuku Komisije za provođenje javne nabavke putem otvorenog postupka sa međunarodnom objavom za nabavku računarske opreme za realizaciju projekta „Elektronski dnevnik“ u javnim osnovnim školama na području Kantona Sarajevo (Zapisnik o pregledu i ocjeni ponuda broj: 11/01-14-21087-8/18 od 16.7.2018. godine), ministar za obrazovanje, nauku i mlade Kantona Sarajevo,
d o n o s i:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za provođenje javne nabavke putem otvorenog postupka sa međunarodnom objavom za Nabavku računarske opreme za realizaciju projekta „Elektronski dnevnik“ u javnim osnovnim školama na području Kantona Sarajevo i ugovor o navedenoj javnoj nabavci dodjeljuje se ponuđaču **R&S d.o.o. Sarajevo**, prema dostavljenoj ponudi broj: 14468/18 od 13.7.2018. godine u ukupnoj vrijednosti od **935.915,00 KM bez PDV-a**.

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest dana), računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti, odnosno originalne ili ovjerene kopije u vezi člana 45. stav (1) tačkama a) do d), jer iste nije dostavio u ponudi, u roku od 10 (deset) dana nakon što bude obaviješten od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, <http://www.mon.ks.gov.ba>, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14).

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11/01-14-21087/18 od 11.5.2018. godine – Nabavka računarske opreme za realizaciju projekta „Elektronski dnevnik“ u javnim osnovnim školama na području Kantona Sarajevo. Javna nabavka je provedena putem postupka: Otvoreni postupak sa međunarodnom objavom. Procijenjena vrijednost javne nabavke bez PDV-a iznosila je 940.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 5774-1-1-10-3-8/18 od 1.6.2018. godine u 15:44h i u „Službenom glasniku BiH“ br. 38/18 od 8.6.2018. godine.

Iz Izvještaja o preuzimanju tenderske dokumentacije od strane ponuđača preuzetog sa Portala javnih nabavki konstatovano je da je 35 potencijalnih ponuđača preuzelo istu.

U skladu sa provođenjem postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 16.7.2018. godine do 9,00 h konstatirala da su u uredno zatvorenim kovertama dostavljene ponude ponuđača za nabavku računarske opreme za realizaciju projekta „Elektronski dnevnik“ u javnim osnovnim školama na području Kantona Sarajevo

R.br.	PONUĐAČ
1.	Printex d.o.o. Sarajevo, Hasana Sušića 9 i 11, 71000 Sarajevo
2.	Biotim d.o.o. Sarajevo, Igmanska b.b., 71320 Vogošća
3.	„R&S“ d.o.o. Sarajevo, Igmanska b.b., 71320 Vogošća
4.	Kamer Commerce d.o.o. Sarajevo, Blažujski drum 14, 71210 Ilidža

U skladu sa Odlukom o pokretanju postupka, Komisija za provođenje javne nabavke, formirana Rješenjem broj: 11/01-14-21087/18 od 11.5.2018. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku sa međunarodnom objavom. Zapisnik o pregledu i ocjeni ponuda broj: 11/01-14-21087-8/18 od 16.7.2018. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda četiri (4)
- da su blagovremeno zaprimljene ukupno četiri (4) ponude
- da nema neblagovremeno zaprimljenih ponuda
- da su ponude ponuđača **Printex d.o.o. Sarajevo, R&S d.o.o. Sarajevo i Kamer Commerce d.o.o. Sarajevo** formalno-pravno ispravne, odnosno iste ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.
- da ponuda ponuđača **Biotim d.o.o. Sarajevo** nije formalno-pravno ispravna, odnosno ista ne ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa jer nije dostavio bankovnu garanciju za ozbiljnost ponude u iznosu od 1% procijenjene vrijednosti ugovora (9.400,00 KM), kao što je bilo predviđeno tenderskom dokumentacijom i ne ispunjava uslov kojim dokazuje tehničku i profesionalnu sposobnost – član 50. Zakona o JN BiH i to potvrde o uredno izvršenim ugovorima u skladu sa članom 48. stav 2. i 3. ZJN BiH, koje daje druga ugovorna strana o uspješno realiziranim ugovorima čija je ukupna vrijednost u posljednje tri godine u iznosu od najmanje 500.000,00 KM. Minimalna vrijednost jednog ugovora ne može biti manja od 20.000,00 KM.

Dostavljene Potvrde su:

1. Potvrda o urednoj realizaciji ugovora o nabavci bazičnih setova za okupacionu terapiju u mentalnom zdravlju (namještaja, sportske i kompjuterske opreme) broj:71/18-PMZ III u iznosu od 4.448,57 KM sa PDV-om od 15.1.2018. godine.
2. Potvrda o urednoj realizaciji ugovora o nabavci bazičnih setova za okupacionu terapiju u mentalnom zdravlju (namještaja, sportske i kompjuterske opreme) broj:71/18-PMZ II je u iznosu od 290.649,06 KM sa PDV-om od 16.1.2017. godine.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke putem otvorenog postupka sa međunarodnom objavom po osnovu kriterija „najniža cijena“ po redosljedju od najniže do najviše ponuđene cijene kako slijedi:

R. br.	PONUĐAČ	Ukupna cijena na (javnom) otvaranju KM (bez PDV-a)
1.	„R&S“ d.o.o. Sarajevo	935.915,10 KM
2.	Kamer Commerce d.o.o. Sarajevo	938.773,00 KM
3.	Printex d.o.o. Sarajevo	941.200,00 KM


U skladu sa kriterijumom “najniža cijena”, ugovor se dodjeljuje ponuđaču R&S d.o.o. Sarajevo u ukupnoj vrijednosti od 935.915,00 KM (bez PDV-a), odnosno 1.095.020,67 KM (sa PDV-om). Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvu za obrazovanje, nauku i mlade Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu od 7.500,00 KM, u skladu sa članom 108. stav 1. tačka f) Zakona o javnim nabavkama ("Službeni glasnik Bosne i Hercegovine", broj 39/14).

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.


MINISTAR
Elvir Kazazović
Prof. dr. Elvir Kazazović

Prilog:

- Zapisnik o pregledu i ocjeni ponuda broj: 11/01-14-21087-8/18 od 16.7.2018. godine

Dostaviti:

- Ponuđačima
- Ministarstvu za obrazovanje, nauku i mlade KS
- a/a



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

